

1 TESALONICENSES

Pablo pea, cū mena macū cūre pade nemori majū Timoteo, romanos cūja ca doti niiri yeparure ca niiri yepa Macedonia yepare ca nii majuropeeri macā Tesalónica macārāre, Jesucristore cūja ca tūo nūnūjeero cū ca tiiricarā yee maquēre cūre cū ca wedegu earo Corintopū niupi.

Jesucristo, cū yee quetire cū ca wede doti cojoricū cū ca wederijere tūorā, judíos ca niitirā, judíos cūja ca tii jūo doorique peere ca tii nūnūjeerucumiricarā Jesucristo yee queti peere cūja ca tūo nūnūjee nūnūna waaro macā, do biro tii majiña maniro cūre to ca bii camota nūnūna waaro, tii macā ca niiricū waacoaupi Pablo. To biro bii pacagu, to cānacā tiira būaro ūjea niirique mena Cristo yee quetire ca tūo nūnūjeerāre tūgoeñarucuupi. Cūja yee maquēre būaro majirūga niirucuupi. Cūja yeere cū ca queti tūorije pea añurije niupa.

Teere ca bootirā do biro tiya maniro ñañaro cūjare cūja ca ñi cotecā pacaro, Cristore ca tūo nūnūjeerā pea, tii yepa macārā Cristo yee quetire ca tūo nūnūjeerā niipetirāpūre, añuri wāme ca nii ñño niirā niupa. Tee tiigu Pablo būaro ūjea niirique mena Ūmureco Pacūre “Mū añu majuropeecā” cūre ñi cūja peera ñucā to birora cūja ca tūo nūcū būocōa niirijere ūjea niirique mena, “Añu majuropeecā,” cūjare ñi, queti owa cojoui (1.1—3.13).

Cristore tūo nūnūjeerā añuri wāme cūja ca bii ñño jūoriquere, būaro jañuri cūja ca tūgoeña bayi nūnūna waapere cūjare wede majio yapanogūra (4.13—5.11), cūja ca majirūgarique būaro jañuri wede majiorique cūja ca boorije, ca bii yairicarā cūja ca cati tuarijere, to biri Wiogu nemo cū ca doope maquēre, wede majiomi.

To biro ñicā, jīcā wāmeri cūjare wede majiorique mena, ñucā “Teere tiya,” ñirique mena, queti owa yapano cojomi (5.12-28).

Tesalónica macārāre Pablo cū ca queti owa cojo jūorica pūuro

Añu dotirique

1 ¹Yū Pablo, Silvano, Timoteo jāa mena, mūja Ūmureco Pacūre ca tūo

nūnūjeerā, mani Pacū Ūmureco Pacū mena, to biri cū Macū Jesucristo mena, ca niirā Tesalónica macā macārāre jāa añu doti cojo. Ūmureco Pacū,

cũ yee añurije, añuro niirique, mɔjare cũ tiicojojato.

“Añu majuropeecã,” Æmureco Pacure Pablo cũ ca ïirique

²Jãa ca juu buerucuro cõrora mɔjare tũgoeñari, mɔja niipetirã yee jũori to cãnacã tiira, “Añu majuropeecã,” jãa ïirucucã Æmureco Pacure. ³To cãnacã tiira mani Pacu Æmureco Pacu cũ ca ïa cojorore, díamacũ tuo nucũ bũoma ïirã mɔja ca pade niiriquere, to biri ñucã Cristore yuema ïirã ñañaoro tamuo pacarã, to birora mɔja ca tũgoeña bayicõa niirijere jãa tũgoeña.

⁴Jãa yaarã Æmureco Pacu cũ ca mairã, cũ majurope cũ ca beje amiricarã mɔja ca niirijere jãa maji. ⁵Æmureco Pacu yee añurije quetire mɔjare wede yujurã, wederique wadora mɔjare jãa ïi yujutiwũ. Æmureco Pacu cũ ca yeri tutuarije mena ca ïa ñañaña manirije tii bau niirique mena, ñucã Añuri Yeri mɔja ca tũgoeña wajoaro cũ ca tiirijere mena, mɔjare jãa wede yujuwũ. Ñucã mɔjara añuro mɔja ca niipere boojãrã, mɔja pũtopũ niirã jãa ca biirique cãare añuro mɔja maji.

⁶Mɔja pea, jãa ca biiricarore birora, ñucã mani Wiogu cũ ca biiricarore birora, Añuri Yeri cũ ca tii nemorije jũori, ñañaoro mɔja ca tamũorije watoara, añurije quetire ɔjea niirique mena mɔja tuo nũnɔjeewũ. ⁷To biro biima ïirã, Macedonia, to biri Acaya yepari macãrã mani

Wiogu Jesucristo yee quetire ca tuo nũnɔjeerãre, “Mani cãa cõjare biro ca biiparã mani nii,” cõja ca ïi ïaro mɔja bii ïũoupa. ⁸Mɔja jũorira, mani Wiogu yee añurije queti Macedonia, to biri Acaya yepari wado méere bii jeja nucãwa. Niipetiri yeparipũ jeja nucãcoa, ñucã to birora Æmureco Pacure díamacũ mɔja ca tuo nucũ buorije cãare, maji peticoama. To biri, mɔja ca bii niirijere cõja ca ïa maji peticoaro macã, ñee peere jãa wede majiti yua. ⁹Mee, cõja majuropeera mɔja pũto jãa ca earo, añuro mena, “Ano niĩña” jãare mɔja ca ïiriquere, ñucã añurije quetire mɔjare jãa ca wedero jiro, weericarãrena mɔja ca nucũ bũo niimiriquere yerijãari, Æmureco Pacu ca catiguũ, díamacũ ca nii majuropeegu peere mɔja ca tii nucũ buoriquere cãare wederucuma. ¹⁰Ñucã to birora jãare ïirucuma, cũ macũ Jesucristo ca bii yaicoaricũpũrena, Æmureco Pacu cũ ca yeri tutuarije mena cũ ca cati tuaro cũre cũ ca tiiro jiro, ɔmureco tutipũ ca tua mũa waaricũ, ñucã nemo cũ ca duwi doopere mɔja ca yue niirucurije cãare. Jesucristora niimi, ñañaoro mani ca biiboriquere manire ca ametuene bojaricũ.

Tesalónicapu Pablo cũ ca pade niirique

2 ¹Yu yaarã, mɔjara mɔja maji, mɔjare ïarã earã, watoa petira jãa ca biitiriquere.

²Ñucã jũguero Filipos'pũ ñañaro ïi tuti eco, ñañaro tii eco, bii pacarã, ñañaro jãare ca biiro watoara, Æmũreco Pacũ jãare cũ ca tii nemoro mena tũgoeña tutua, ñañaro tamũo pacarã añurije quetire mũjare jãa ca wederique cãare mũja maji.

³Mũjare jãa ca bue majiorijea, no ca boorora ïi maa wijiarique nii, ñañaro mũjare tiirũgarique mena, ñucã jĩcũ ñno peerena ïi dito eperũgarique mena, mũjare jãa ïitiwũ.

⁴To biro ïitirãra, Æmũreco Pacũ, “Añu majuropeecãma,” ïi ïa beje yapanori jiro, añurije quetire cũ ca wede dotiricarãre birora jãa wedewũ. Jãa, bojocara “Añu majuropeecã to biro mũja ca tiirije,” jãare cũja ca ïipe ñnore jãa amaati. Æmũreco Pacũ mani ca tũgoeña niirijepũre ca ïa majigũ pee, “Añu majuropeecã,” cũ ca ïipe peere jãa ama.

⁵Ñucã wapa tiirica tiiri wapa taarũgama ïirãra, tũoricaro añurije mũjare ïi mecũo, no ca boori wãme ïi dito nucũ yuju, jãa ca tiitirique cãare mũja maji. Æmũreco Pacũ niimi atere ca majigũ.

⁶Ñucã jĩcãti ñnora, jĩcãrã ñnorena, mũjarena, ñucã aperã ñnorena, “O biro ca biirã mũja nii,” jãare ïi nucũ ñuoriquẽ ñnore jãa amaatiwũ.

⁷Jesucristo yaarã, cũ yee quetire ca wede yujurãre birora, ca doti majirã jãa ca niirijere, “Jãa ca ïiroke biro tii ñnũjeeya,” mũjare ca ïicãboricarã niicã pacarã, mũja watoapũre wimarãre biro jãa bii

yujuwũ. Jĩcõ nomio cõ punare ïpũo majo, ïa ñnũjeẽ, cõ ca tii niirore birora, ⁸bũaro peti mũjare maima ïirã, Æmũreco Pacũ yee queti wadorena mũjare wedetirãra, jãa ca cati niirijepũ cãare mũjare jãa tiicojocãrũgamiwũ. ¡Ano cõro bũaropũ jãa ca mairã mũja nii eacãwũ!

⁹Jãa yaarã, Æmũreco Pacũ yee añurije quetire mũjare wede niirã, jĩcũ mũja mena macũ ñno peerena mũja ca cũorijere, “Jãa cãare tiicojoya,” ïi pato wãcõricaro maniro, jãa ca boorijere wapa taarũgarã jãa majurope, maniro ca bii waaricarã ñmũrecori, ñamiri jãa ca pade bũa ñaarucuriquere mũja majicu.

¹⁰Æmũreco Pacũ to biri mũja, mũja nii, mũja Jesucristore ca tũo ñnũjeerã menare, ñañarije maniro, añuri wãme mena, “To biirije biima,” ïi ecoricaro maniro, jãa ca biirique cuti niirijere ca majirã.

¹¹Ñucã mũja ca niiro cõrorena, jĩcũ cũja pacũ cũ punaare cũ ca tiirore biro mũjare jãa tii niiwũ.

¹²Mũjare wede bojoca catio, mũja ca tũgoeña bayiro tii, Æmũreco Pacũ cũ ca doti niiri tabepũ, to biri cũ yee añurijepũ ca niiparã, mũjare ca jũogũ yaarã ca niirãre birora añuro niirique cuti niĩña, mũjare jãa ca ïi wederique cãare mũja majicu.

¹³To biri jãa pea, to birora, “Añu majuropeecã,” Æmũreco Pacũre jãa ïicõa nii, Æmũreco Pacũ yee quetire mũjare jãa

ca wedero, “Bojoca cūja ca ĩirijerena mani tuo nũnũjeeticu,” ĩitirāra, teere mũaja ca tuo nũnũjeerique ca niiro macā. Tea, díamacūra Ɛmũreco Pacũ cū ca wede majiorije peti niiro bii. Teera, mũaja Jesucristore ca tuo nũnũjeerāre, añuro mũaja ca niirique cuti niiro tii.

¹⁴Mũaja yũ jaarā, mũaja jaarā ñañaro mũajare cūja ca tiirũga nũnũjeero ñañaro tamũorā, Judea macārā Ɛmũreco Pacũre ca tuo nũnũjeerā Cristo Jesús jaarā ca niirā cūja ca biiricarore birora mũaja tamũoupa. Cūja cāa cūja jaarā judíos'rena ñañaro tiirũga nũnũjee ecoupa.

¹⁵Anija judíos'ra, Wiogu Jesús're jĩawa, jũgueropũ Ɛmũreco Pacũ yee quetire wede jũgueri maja niiquĩricarāre cūja ca jĩaricarore birora. Jāa peera jāare cōa wienewa. Ɛmũreco Pacũre ca bootirā niima. Bojoca niipetirārena ajia tucicāma.

¹⁶Judíos ca niitirāre, ñañaro cūja ca biiboriquere cūja cāa cūja ametũajato ĩirā, añurije quetire cūjare jāa ca wedero cāare bootima. O biro tii niirā, ōo pee jañuri ñañarijere tii nũnũna waacāma. To cūja ca biicā pacaro, teere peotirũgaro, Ɛmũreco Pacũ cū ca ajiarije pea, cūjare bii ñaapea ea yerijāajapa.^a

Tesalónicarpũ nemo Pablo cū ca waarũga tũgoeñarique

¹⁷Yũ jaarā, jĩcā cuu mũajare camotati waarā, mũajare ĩati pacarā, to birora jāa yeripũra mũajare tũgoeñari, bũaro mũajare jāa ĩarā waarũgarucumiwũ.

¹⁸Jāa waarũgamiwũ. Yũ Pablo majuropeera, paũ tiiri yũ waarũgamiwũ. Satanás pee, “To biro ca biipe niicu” ĩi majiña maniro, jāare boca tii camota niwi.

¹⁹To docare: ¿Noa pee cūja niiti, mani Wiogu Jesucristo nemo ati yepapũ cū ca dooro, “Anija niima, mũ yee quetire jāa ca wedero jāare ca tuo nũnũjeericarā,” cũre jāa ca ĩi ẽjea nii bocaparā? ¿Mũaja méé mũaja niiti? ²⁰Mũajara mũaja nii, wederique paio, ẽjea nii, jāa ca biiro ca tii niirā.

3 ¹To biri mũajare ĩarũgarā nũcātima ĩirā, “Atenas macārā mani ca tuaro añurucu,” jāa ĩi tũgoeñawũ. ²To biro ĩiri, Timoteo, jāa yee wedegũ, Ɛmũreco Pacũre pade nemori majũ añurije queti Cristo yeere wederi majũre jāa tiicojo cojowũ, díamacũ mũaja ca tuo nũcũ bũorijere “Díamacūra nii,” mũajare ĩi, mũaja ca tũgoeña tutuaro tii, ³ñucā jĩcũ ẽno peerena ate do biro tii majiña

^a 2.1-16 Pablo, Tesalónica macāre cū ca earicaró jiro, jĩcārā judíos añurije quetire ca junarā, Pablo cū ca tii yujuriquere, cū ca biirique cuti niirijere, ca manirijerena ñañarije cāre ĩi wede pai jũo waaupā. To biri cū pee to biro cūja ca ĩirijere, “To biro ĩicārā ĩiima, yũ, to biri yũre pade nemori maja, mũaja watoare bũaro mũajare mairique mena jāa pade yujuwũ” ĩigũ, cū ca ĩirique niupā.

maniro ñañaro biiriquera tii maa wijio, ca biitipere biro ñirã cüre jãa tiicojo cojowu. Mee mũa majuropeera o biro ñañaro ca tamuoparãra mani ca niirijere mũa maji. ⁴Ñucã apeyera mũa mena niirã, “Ñañaro mani biirucu” mũjare jãa ñi wede majiowu. To birora biijapa. Mee mũa maji. ⁵To biri nũcãti wãma ñigu, díamacũ mũa ca tuo nũcũ buorijere “Do biro cũa biibuti,” ñima ñigu, Timoteore yu jãña doti cojowu, Satanás ñañarije peere cũa ca tiiro cũ ca tiijata, “Jãa paderique watoa maquẽ peti tuabocu” ñi tũgoeña uwima ñigu.

Timoteo añurije cũ ca wederique

⁶Mecũra Timoteo, Tesalónicarũ ca niiricu, díamacũ mũa ca tuo nũcũ buorijere, mũa ca ameri mairijere, añurije queti cãti tua eami. Ñucã añuro ẽjea niirique mena mũjare tũgoeña, ñucã mũjare jãa ca ñarũgarore birora, cũa pee cãa manire ñarũgama jãare ñi wedemi. ⁷Jãa yaarã, niipetirije ñañaro tũgoeñarique pai, ñañaro tamu, jãa ca bii niirije watoare, to birora díamacũ mũa ca tuo nũcũ buocõa niirije juori, jãa ca tũgoeña tutuaro jãare mũa tiiwu. ⁸Wiogũre to birora mũa ca tũgoeña tutuacõa niirijere queti tuori, añuro cati añurã jãa nii mecũra. ⁹¿Do biro pee tiicãri, mũa yee juori, Umureco Pacu cũ ca ña cojorore, buaro ca ẽjea niirã jãa ca niiro mũa ca

tiirije juori, jãa Umureco Pacu, “Añu majuropeecã,” jãa ñi boja majibogajati? ¹⁰Jãa majuropeera mũjare ñarã waari, díamacũ mũa ca tuo nũcũ buorije ca dũjarijere, díamacũ mũa ca tuo nũcũ buo peotiro jãa ca tiirã waaro jãare cũ tiijato ñirã, umurecori, ñamiri, Umureco Pacu jãa jãi juu bue niirucu.

¹¹Mani Pacu, Umureco Pacu majuropeera, to biri mani Wiogu Jesucristo, mũjare jãa ca ñarã waaro, jãare cũa tii nemojato. ¹²Wiogu, mũjare jãa ca mairore birora, mũa ca niiro cõrora buaro jañuri ameri mai, ñucã niipetirãre mai, mũa ca tii nũnũa waaro cũ tiijato. ¹³Añuro ca yeri tũgoeña bayi niirã mũa ca niiro cũ tiijato, mani Wiogu Jesucristo niipetirã cũ yaarã ca ñañarije manirã mena cũ ca doori rũmũre, mani Pacu Umureco Pacu cũ ca ña cojorore, ca ñañarije manirã mũa ca niipere biro ñigu. To biro to biijato.

Umureco Pacu cũ ca ña biijejarije tii niirique

4 ¹Yu yaarã, mecũra Wiogu Jesucristo cũ ca dotiro mena “O biro biiya,” mũjare jãa ñi wede majio: “Umureco Pacu cũ ca ña biijejarije mũa ca biirique cãti niirijere buaro jañuri tii jeeño nũnũa waarãja, jãa ca biirijere mũa ca ña cõoricarore birora mũjare jãa ñi.” Biirãpũa mee to birora mũa ca tii nii.

²Mee m̄ja maji, Wiogu Jesús c̄ ca dotiro mena m̄jare j̄a ca wede majoriquire.
³ʘm̄ureco Pacu c̄ ca boorijea, ca ñañarije manir̄a, n̄mo mani, man̄u mani bii pacar̄a, tii epericar̄a c̄titi, ñuc̄a ⁴m̄ja ca niiro c̄rora añuri w̄ame n̄c̄u b̄orique mena n̄mo c̄ti, m̄ja ca tiiro boomi, ⁵ʘm̄ureco Pacure ca majitir̄a c̄ja ca tiirore biro ñañaro m̄ja ca tiirugarije peere tiitir̄a. ⁶Ate mena j̄ic̄u ʘno peera c̄u yee wedegu ñañaro c̄u ca biiro tii, c̄ure ii dito epe, c̄u tiitic̄ajato. ʘm̄ureco Pacua, m̄jare j̄a ca wede majoricarore birora ate niipetirije ca tiir̄a, b̄arop̄ra ñañaro c̄ja ca tam̄oro ca tiigu niimi. ⁷ʘm̄ureco Pacua, “Ñañarije ca tiir̄a c̄ja nijato” iigu m̄eé, “Ca ñañarije manir̄a c̄ja nijato” iigu, manire j̄oupi. ⁸To biri ate j̄a ca wede majorijere ca junagua, bojoc̄rena t̄o junagu m̄eé tiimi. ʘm̄ureco Pacu, c̄u Añuri Yeri m̄jare ca tiicojoric̄re junagu tiimi.

⁹Mani yaar̄a ameri mairique peera, ñee peere iir̄a c̄oro m̄jare j̄a ca owa cojorije m̄ja booticu, mee ʘm̄ureco Pacu majuropeep̄ra m̄ja ca niiro c̄oro ameri maiña, c̄u ca

iiriquere m̄ja majiupa. ¹⁰Mee, to birora m̄ja ameri mai nii, Jesucristore ca t̄o n̄n̄jeer̄a Macedonia yepa niipetiro ca nii cojor̄a. J̄a yaar̄a, to biro m̄ja ca bii pacaro, “Ameri mairiquere b̄aro jañuro tii n̄n̄ua waar̄aja,” m̄jare j̄a ii.

¹¹Niipetir̄a mena añuro nii jañuña petop̄ra, m̄ja ca tiipe ca niirijerena tii, ñuc̄a m̄jare j̄a ca tii dotiricarore biro m̄ja majuropeera pade, tii niña, ¹²m̄ja ca bii niirije mena Jesucristore ca t̄o n̄n̄jeetir̄a īa n̄c̄u b̄uo eco, ñuc̄a j̄ic̄ar̄a ʘno peerena c̄ja ca tii nemor̄a nii, m̄ja ca biitipere biro iir̄a.

Jesucristo c̄u ca doope^b

¹³Ȳu yaar̄a, ca bii yairicar̄a c̄ja ca biipere majitir̄a m̄ja ca niiro j̄a booti, aper̄a “To biro mani biirucu” ca ii t̄ogoeña yuetir̄a c̄ja ca t̄ogoeñarique paire biro m̄ja ca biitipere biro iir̄a. ¹⁴Mania, “ ‘Jesucristo ca bii yaicoaricu nii pacagu, cati tuaupi,’ ca ii t̄o n̄n̄jeer̄a, to biiri w̄amera ñuc̄a, Jesucristore t̄o n̄n̄jeeri ca bii yairicar̄a c̄are c̄u menara c̄ja ca cati tuaro tiirucumi ʘm̄ureco Pacu,” mani ii t̄o n̄n̄jee.

¹⁵To biri Wiogu c̄u ca iiricarore birora, mani Wiogu

^b 4.13—5.11 J̄ic̄ar̄a Jesucristore ca t̄o n̄n̄jeer̄a, c̄ja yaar̄a ca bii yaiquir̄ar̄ap̄ure t̄ogoeñari, Jesucristo ati yepap̄ure nemo c̄u ca doori tabere nii nemotirucuma iima iir̄a, c̄ja ca t̄ogoeñarique paio, “T̄ogoeñarique paitic̄aña,” c̄jare ii wedegu c̄u ca iirique nii. Cap 5 wede majio Wiogu c̄u ca doopa r̄um̄re ca maniña manirije ca niirije (Mt 24.36; Hch 1.6-7). To biirije iic̄a pacaro, “Tee peere to birora c̄ure yuec̄a niña” manire ii wede majio biirop̄ra (v 6).

Jesucristo nemo ati yeparu cū ca tua doori rumpure ca cati niirā, ca bii yairicarāre mani bii jūguetirucu. ¹⁶Wiogu majuropeera, dotirique mena, Ũmureco Pacu puto macū cū ca wederije mena, Ũmureco Pacu yaa wuu putirica wuu^c putiricaro ca bjujrije mena, umureco tutirū ca niiricu duwi doorucumi. To biro cū ca bii doori tabera, Cristore tuo nunjeeri ca bii yairicarā cati tua juorucuma. ¹⁷Jiro, mani ca catirā ca tuaricarā, bueri burirū cūja menara mani ami maa waa ecorucu, mani Wiogure bueri burirū cūre bocarā waarā. O biro biicāri, Wiogu mena to birora mani niicōa niirucu. ¹⁸To biri ate mena mūja ca niiro cōrora, “To biro mani biirucu” ameri īi, tūgoeña bayi, tii niīña.

5 ¹Yū jaarā, “Mani Wiogu, tii rumpu, tii cuu ca niiro doorucumi,” īriquerūra owa cojorique mūja booti. ²Mee, añuro mūja maji, mani Wiogu cū ca doori rumpu, “Cū doocumi,” ca īi majiña maniri tabe unore, “Jicū jee dutiri majū ñamirū cū ca earore birora bii earucumi,” īriquere. ³“Mee, niipetirōpura añucā, ñañaro ca biirucurique cāa mani,” cūja ca īi niiri tabere, jicō nomio cō ca macū cutiri tabe ca earo puniro cō ca tūgoeñarore birora, ñañaro cūja ca bii yaipe cūjare bii

earucu. Do biro pee bii, duti majitirucuma.

⁴Yū jaarā, mūja, ca naitīarije watoaru mūja niiti, Wiogu cū ca tua doori rumpu, jee dutiri majure biro jāare bii ucūene eare īirā. ⁵Mūja niipetirōpura ca boeri tabe, ñucā umureco macārā mūja nii. Ñami macārā, ca naitīari tabe macārā mani niiti mania. ⁶To biri aperāre biro ca cānitiparā mani nii. Cānitirāra, añuro ca cati añurā ca nii yueparā mani nii.^d ⁷Ca cānirā ñamire cānima. Ca cūmurā, ñamire cūmuma.

⁸Mani pea umureco macārā niiri, to cānacā rumpura añuro ca cati añurā ca niiparā mani nii. Ũmureco Pacure díamacū mani ca tuo nucū buorije menara, mani ca ameri mairije menara, come jutiro mena mani upure jāña bojoca tooye cutirāre biro bii, Ũmureco Pacu manire cū ca ametuenepere mani ca yue niirijera come coro peja, bii bojoca tooye cuti, ca bii yue niiparā mani nii.

⁹Ñañaro cūja bijato īigu méé, manire juoupi Ũmureco Pacu. Mani Wiogu Jesucristo juori, ñañaro mani ca biiborique cūja ametuajato īima īigu, manire juoupi. ¹⁰Manire īima īigura, bii yaiupi Jesucristo, catirā cāa, ñucā bii yairā cāa, cū menara mani ca niipere īigu. ¹¹To biri, mee mūja ca tii niirucurore birora, ameri wede

^c 4.16 Ũmureco Pacu yee trompeta. ^d 5.6 Mt 24.42-43; 25.13; Mc 13.34-37.

majio ɸjea nii tɸgoeña bayi,
tiicõa niĩña.

Pablo cū ca wede majio cojorique

¹²Yɸ yaarã, mɸja watoa ca pade niirãre, mani Wiogɸ cū ca boorore biro mɸjare ca wede majio jɸguerucurãre, nɸcū bɸorique mena cūjare ãaña. ¹³Cūja ca pade niirije jɸori, bɸaropɸra cūjare nɸcū bɸo, bɸaro cūjare mai, cūjare tiiya. Mɸja ca niiro cõrora añuro niirique mena ameri yaarã cuti niĩña.

¹⁴To biri ñucã yɸ yaarã, atere mɸjare jãa tii doti cojo: “Mɸja mena macãrã jicãrã ca biijaya manirije ca tiirãre tuti bojoca catio, ca tɸgoeñarique pairãre cūja ca tɸgoeña tutuaro tii, ca tɸgoeña tutuatirãre cūja ca tɸgoeña tutuaro cūjare tii, niipetirã menare pato wãcãricaro maniro añuro nii, biiya” mɸjare jãa ïi.

¹⁵Jicū ɸno peera ñañaro ca tiigɸre, ñañaro cū ca tii ametipere biro ïirã, tɸo majiri niĩña. To biro tiitirãra, añurije maquẽ pee wadore tii niĩña. Mɸja wado méé, niipetirã mena to biro tii niĩña.

¹⁶To birora ɸjea niicõa niĩña. ¹⁷Juu bue yerijãaticãña. ¹⁸Niipetirije mɸjare ca biirijere, “Añu majuropeecã” ïiñña Ɔmɸreco Pacɸre. To biro mɸja ca ïirijere boomi Ɔmɸreco Pacɸ, mɸja, Cristo Jesús're ca tɸo nɸnɸjeerãre.

¹⁹Añuri Yeri mɸjare cū ca majio niirijere camotaaticãña. ²⁰Ɔmɸreco Pacɸ cū ca majiuro mena ca biipere ca wede jɸguerã cūja ca wederijere tɸo junaticãña. ²¹Niipetirijepɸrena ãa beje cõoña peti, añurijere tii nɸnɸjeeya. ²²Niipetirije ñañarije tiiriquere tii nemoticãña.

²³Ɔmɸreco Pacɸ majuropeera, añuro niirique Ɔmɸreco Pacɸ, niipetirijepɸrena ca ñañarije manirã mɸja ca niiro mɸjare tii, mɸja upɸ niipetirore, mɸja ca catiro jãñarijere, mɸja yerire, mɸja upɸre, ca pojarije manirã mɸjare cū cɸo niijato, mani Wiogɸ Jesucristo cū ca tua doori rɸmɸre. ²⁴Mɸjare ca jɸogɸa, cū ca ïirore biro ca tiigɸ niimi, ate niipetirore cū ca ïiricarore biro tiirucumi.

Waarique wuirique

²⁵Yɸ yaarã, jãa cãare Ɔmɸreco Pacɸre jãare jãi juu bue bojaya.

²⁶Mani yaarã, Cristore ca tɸo nɸnɸjeerã niipetirãre, bɸaro mairique mena^e cūjare añu dotiya.

²⁷Ñucã Wiogɸ cū ca dotiro mena, mani yaarã niipetirãre ati pũuro yɸ ca owa cojorijere mɸjare yɸ bue ïño doti.

²⁸Mani Wiogɸ Jesucristo mɸja niipetirãre cū yee añurijere mɸjare cū tiicojojato.

To biro to biijato.

Pablo

^e 5.26 “Beso santo”. Ro 16.16.